

RREGULLORE

PËR ORGANIZIMIN DHE FUNKSIONIMIN E “KH SUMMER CAMP” 2024

Neni 1 STATUSI

Fondacioni "Art Land Albania" (në vijim "Art Land Albania") organizon kampin veror me emrin "KH Summer Camp" me vendodhje në adresën: Parku Kombëtar i Dajtit, "Dajti Paradise", Dajt, Tiranë (në vijim "KH Summer Camp"), ku ofrohet organizimi dhe realizimi i veprimtarive për argëtimin, edukimin jo formal, si dhe zhvillimin personal për fëmijët e moshës 9 – 14 vjeç (në vijim secilit prej tyre "fëmija" dhe bashkërisht "fëmijët") gjatë periudhave kohore 14 (katërbëdhjetë) ditore.

Neni 2 MISIONI

Misioni i KH Summer Camp është:

- krijimi i një mjedisi të sigurtë, të kënaqshëm dhe mbështetës për fëmijët për të kërkuar, zbuluar, nxitur, mësuar, vlerësuar, zhvilluar dhe promovuar aftësitë e fëmijëve në fusha të ndryshme si arti, kultura edukimi, sporti etj.;
- nxitja e respektit dhe e vlerësimit mes fëmijëve, përmes zhvillimit dhe forcimit të bashkëpunimit social mes fëmijëve;
- promovimi i krijimtarisë së fëmijëve dhe i bashkëpunimit mes tyre nëpërmjet veprimtarive të ndryshme në KH Summer Camp;

Neni 3 QËLLIMI

Qëllimi i kësaj rregulloreje është përcaktimi i rregullave dhe procedurave, që duhet të ndiqen për organizimin dhe funksionimin e KH Summer Camp, është përcaktimi i parimeve, standardeve dhe normave, që mundësojnë sigurinë, mirëqënien dhe përvojën e përshtatshme për të gjithë fëmijët pjesëmarrës në KH Summer Camp, si dhe që rregullojnë sjelljen e fëmijëve, sjelljen dhe etikën e drejtuesve, trainerëve dhe personelit të KH Summer Camp.

Neni 4 PJESËMARRJA NË KH SUMMER CAMP

- Pjesëmarrja në KH Summer Camp është e rezervuar vetëm për fëmijët, të cilët duhet të regjistrohen zyrtarisht për të marrë pjesë në KH Summer Camp, përmes plotësimit të detyrueshëm të formularit të regjistrimit prej njërit prej prindërve, ose të kujdestarit ligjor të tyre, të cilët nënshkruajnë dhe kontratën me Art Land Albania.
- Nëse numri i fëmijëve nuk arrin numrin minimal të përcaktuar nga Art Land Albania për të marrë pjesë në KH Summer Camp, Art Land Albania rezervon të drejtën të çrregjistrojë fëmijët nga pjesëmarrja në KH Summer Camp dhe të njoftojë prindin/kujdestarin ligjor për çrregjistrimin e fëmijës dhe të anulojë zhvillimin e KH Summer Camp. Kjo shoqërohet me rimbursimin e plotë të tarifës së regjistrimit.
- Prindi/kujdestari ligjor duhet të sigurojnë dhe të përcjellin te Art Land Albania informacion të plotë në lidhje me ndonjë problem shëndetësor apo alergjik të fëmijëve.

4. Fëmija duhet të lajmërojë menjëherë personelin e KH Summer Camp në rast plagosjeje, sëmundjeje ose ndonjë gjendjeje të pasigurt.
5. Regjistrimi i Fëmijës në KH Summer Camp kryhet vetëm online në faqen www.summercamp.al. Ky rregull vlen njësoj edhe për ish-kampistët.
6. Regjistrimet përfundojnë në datën 31.05.2024. Çdo regjistrim që kryhet pas datës 31.05.2024 do të tarifohet ekstra për arsye të mbingarkesës së departamenteve të Art Land Albania.
7. Ndalohet sjellja e ushqimeve në KH Summer Camp prej fëmijëve dhe prindërve/kujdestarëve ligjorë në rastet e vizitave të parashikuara nga personeli i KH Summer Camp.

Neni 5

ORGANIZIMI I KH SUMMER CAMP

1. Drejtuesit, trainerët dhe personeli i KH Summer Camp emërohen nga Art Land Albania. Veprimtaritë argëtuese, edukuese, zhvilluese për fëmijët organizohen dhe realizohen në KH Summer Camp përmes programeve mësimore, edukuese dhe zhvilluese nën drejtimin e trainerëve të KH Summer Camp.
2. Drejtuesit, trainerët dhe personeli i KH Summer Camp do të mbikëqyrin fëmijët në çdo kohë gjatë veprimtarive në KH Summer Camp dhe do të sigurojnë një ambient të sigurt për të gjithë fëmijët 24 orë në 24. Çdo personel i kualifikuar dhe i autorizuar prej Art Land Albania do të jetë i pranishëm gjatë aktiviteteve të KH Summer Camp për të siguruar që çdo situatë emergjente në lidhje me fëmijët të trajtohet me kujdes dhe në kohë.
3. Drejtuesit, trainerët dhe personeli i KH Summer Camp do të trajtojnë fëmijet me respekt dhe kujdes gjatë gjithë kohës së pjesëmarrjes së tyre në KH Summer Camp.
4. Fëmijët duhet të respektojnë orarin dhe rregullat e caktuara të KH Summer Camp, përfshirë oraret e ngrënies, oraret e fjetjes dhe rregullat për higjienën.
5. Fëmijët duhet të jenë të pranishëm në të gjitha veprimtaritë argëtuese, edukuese, zhvilluese për fëmijët, që organizohen dhe realizohen në KH Summer Camp. Fëmijët pjesëmarrës në KH Summer Camp duhet të kenë kujdes për sigurinë e tyre dhe të tjerëve, duke shmangur veprimet e rrezikshme dhe duke ndjekur dhe zbatuar udhëzimet e drejtuesve, trainerëve dhe personelit të KH Summer Camp.
6. Fëmijët duhet të sillen me respekt ndaj drejtuesve, trainerëve dhe personelit të KH Summer Camp dhe njëri-tjetrit në çdo kohë.
7. Art Land Albania ka të drejtë që të largojë nga KH Summer Camp fëmijët, që nuk respektojnë rregullat e sjelljes në KH Summer Camp, si dhe nuk plotësojnë kushtet për një bashkëjetesë të shëndetshme dhe

paqësore në KH Summer Camp, të cilat lidhet me shfaqjen e sjelljeve agresive dhe të padëshirueshme, të cilat përfshijnë goditjet fizike, gjuhën ofenduese, format e bullizmit, veprimet fyese dhe të pahijshme ndaj një fëmije tjetër, përdorimi i armëve të ftohta prerëse ose shpuese, përdorimi i alkoolit, i cigareve, apo i lëndëve narkotike.

8. Fëmija që është dëshmitar, ose përjeton sjellje agresive dhe të padëshirueshme, duhet të raportojë menjëherë tek drejtuesit, trainerët, personeli i KH Summer Camp.

9. Art Land Albania rezervon të drejtën që të japë për fëmijën masat disiplinore të mëposhtme :

(a) paralajmërim verbal;

(b) paralajmërim me shkrim dhe njoftim i prindit, ose i kujdestarit ligjor;

10. Art Land Albania do të krijojë vende të posaçme, në të cilat fëmija do të vendosë sendet personale të zakonshme, sendet personale me vlerë, të etiketuar me emrin e tij. Art Land Albania nuk është përgjegjëse për humbjen, vjedhjen dhe/ose dëmtimin e sendeve të personale të zakonshme, të sendeve personale me vlerë të fëmijës para, gjatë dhe pas përfundimit të Periudhës kohore në KH Summer Camp. Sendet personale të zakonshme, sendet personale me vlerë të fëmijës të humbura dhe/ose të braktisura, të cilat gjenden, do të ruhen nga Art Land Albania dhe do t'i dorëzohen Prindit/Kujdestarit ligjor për kthim në bazë të kërkesës drejtuar Art Land Albania.

11. Art Land Albania do të informojnë prindin/kujdestarin ligjor të fëmijës për çdo emergjencë ose situatë të pazakontë që ndodh me fëmijën, ose që ndodh në KH Summer Camp. Art Land Albania do të autorizojë një pjesëtar të personelit të KH Summer Camp, që do të jetë në dispozicion për të komunikuar me prindërit dhe për të marrë masat e nevojshme në rast emergjencash.

12. Personeli i KH Summer Camp do të sigurojë ndihmë të shpejtë dhe kujdes shëndetësor për fëmijët në rast nevoje. Çdo informacion i rëndësishëm në lidhje me shëndetin e fëmijëve duhet të raportohet dhe të dokumentohet në mënyrë të rregullt.

13. Art Land Albania do të krijojë kushte të përshtatshme sigurie për fëmijët, duke përfshirë ushqimin, akomodimin dhe çdo aspekt tjetër që mund të ndikojë në shëndetin dhe mirëqënien e tyre.

14. Prindërit/kujdestarët ligjorë dhe fëmijët janë të inkurajuar të komunikojnë hapur dhe të shprehen për çdo shqetësim ose pyetje që kanë në lidhje me KH Summer Camp. Drejtuesit, trainerët dhe personeli i KH Summer Camp do të jenë në dispozicion për të ofruar këshillim dhe ndihmë për të gjitha pyetjet dhe shqetësimet që mund të lindin në KH Summer Camp.

15. Fëmijët duhet të respektojnë zonat e caktuara të KH Summer Camp dhe nuk duhet të shkelin në zona të ndaluara.

16. Fëmijët nuk duhet të dëmtojnë pasurinë e luajshme dhe të paluajshme në të cilat organizohen dhe

realizohen veprimtaritë argëtuese, edukurse, zhvilluese për fëmijët, që janë në pronësi të Art Land Albania, ose që janë marrë me qira nga Art Land Albania. Prindi/Kujdestari ligjor i fëmijës është i detyruar që të dëmshpërblejë Art Land Albania për çdo dëmtim të tyre.

17. Fëmijët ndalohen rreptësisht që për asnjë arsye të nxjerrin nga dhomat objekte/sendë jo personale si: çarçafë, batanie që janë marrë me qira nga Art Land Albania. Prindi/Kujdestari ligjor i fëmijës është i detyruar që të dëmshpërblejë Art Land Albania për çdo dëmtim të tyre jasht hapësirave të përcaktuara.

18. Për çdo mosmarrëveshje dhe/ose kërkesë nga prindi/kujdestari ligjor, duhet të komunikohet vetëm me drejtuesin e KH Summer Camp. cfare nenkupton me kete??

19. Fëmijët janë të detyruar që të jenë të veshur gjithmonë me uniformën përkatëse të KH Summer Camp, sipas udhëzimeve të personelit të KH Summer Camp.

20. Fëmijët nuk lejohet të marrin me vete në KH Summer Camp telefonat mobile, ose pajisje të tjera elektronike, duke përfshirë pajisje audio dhe video regjistruese, përveç aparateve me fotografi çasti (InstaX). Në rast konstatimi, personeli i KH Summer Camp do t'i vendosë në një vend të posaçëm për ruajtje, deri në përfundim të kampit.

21. Gjatë kohës së pushimit apo gjumit fëmijët nuk duhet të prishin qetësinë e të tjerëve.

22. Fëmijët duhet të mbajnë higjienën e duhur personale dhe kolektive, duke përfshirë dushet e rregullta, larjen e dhëmbëve dhe larjen e duarve, dhe hapësirën personale.

23. Fëmijët duhet të kontribuojnë në mbrojtjen e natyrës dhe mbajtjen pastër të mjedisit në KH Summer Camp.

Neni 6

VIZITAT NË KH SUMMER CAMP DHE KOMUNIKIMI

1. Prindi/kujdestari ligjor nuk mund të vizitojë fëmijën gjatë qëndrimit të fëmijës në KHA Summer Camp, vetëm në rastet kur fëmija shpreh nevojën e menjëhershme për t'u vizituar nga prindi/kujdestari ligjor.

2. Gjatë gjithë qëndrimit të fëmijës në KH Summer Camp, prindi/kujdestari ligjor ka të drejtë të telefonojë drejtuesit e KH Summer Camp, për t'u informuar mbi fëmijën.

3. Për arsye logjistike prindi/kujdestari ligjor nuk ka të drejtë të kërkojë foto/video live të fëmijës nëpërmjet Whats App, përjashtuar rastin kur fëmija kërkon të flasë me të. I njëjti rregull vlen edhe për rrjetet sociale Instagram, Facebook që luajnë rol marketimi dhe jo komunikimi me prindin/kujdestarin ligjor.



Neni 7

REKOMANDIME

- Rekomandohet të mos krijohen grumbullime gjatë dorëzimit dhe grumbullimit të fëmijëve nga vendi i nisjes për në KH Summer Camp, për këtë arsye fëmijet duhet të shoqërohen vetëm nga dy familjarë.

- Nuk është e rekomandueshme që të pajisni me para xhepi fëmijën në KH Summer Camp. Nëse vendosni që të pajisni fëmijën me para xhepi, rekomandohet që shuma të mos kalojë 5,000.00 (pesëmijë) lekë. Art Land Albania nuk mban asnjë përgjegjësi mbi humbjen apo shpërdorimin e tyre.

Neni 8

RUAJTJA E AMBIENTEVE NË KH SUMMER CAMP

Ruajtja e ambienteve, si dhe e mjediseve të brendshme të tyre në KH Summer Camp, kryhet përmes rojeve civile dhe përmes kamerave të sigurisë.

Neni 9

HYRJA NË FUQI

1. Rregullorja hyn në fuqi me miratimin e saj nga Art Land Albania.
2. Rregullorja ndryshohet me vendim të Art Land Albania.
3. Asnjë prej dispozitave të kësaj rregulloreje nuk mund të interpretohet në mënyrë të veçuar nga njëra – tjetra.